

درس بعد خطبة | الاعتداء على السنة النبوية | سلسلة واعلموا ان فيكم رسول الله (5) | للشيخ الحويني

أبو إسحاق الحويني

ان الحمد لله تعالى نحمده. ونستعين به ونستغفره. ونعوذ بالله تعالى من شرور انفسنا وسيئات اعمالنا من يهد الله تعالى فلا مضل له.

ومن يضل فلا هادي له. واشهد ان لا اله الا الله وحده لا شريك له - 00:00:00

واشهد ان محمدا عبده ورسوله. اما بعد فان اصدق الحديث كتاب الله تعالى واحسن الهدي هدي محمد ان صلى الله عليه واله وسلم.

وشر الامور محدثاتها. وكل محدثة بدعة. وكل بدعة ضلالة. وكل - 00:00:26

كل ضلالة في النار. اللهم صل على محمد وعلى آل محمد كما صليت على ابراهيم وعلى آل ابراهيم في العالمين انك حميد مجيد

مجيد وبارك على محمد وعلى آل محمد كما باركت على ابراهيم وعلى آل ابراهيم. في العالمين انك حميد - 00:00:46

حميد مجيد. هؤلاء المعتدون على ديننا وعلى كتاب ربنا وسنة نبينا نبينا صلى الله عليه وسلم آآ احمق عندي واخف عقلا من ذاك

الرجل الذي اراد ان يستفتي في مسألة فقال دلوه - 00:01:06

على اعلم اهل البلد. فقالوا عليك بعامر الشعبي. عامر ابن شراحيل الشعبي وكان اماما كبيرا فحلا. قال لقد نسيت من العلم ما لو جمعه

رجل لكان به عار ذهب الرجل - 00:01:36

يسأل عن عامر الشعب. فين فين عامر الشعبي؟ قالوا له هو اللي هناك دهو فعامر الشعبي واقف هو ومراته. مراته طبعا منتقبة من

اللباس الاسود وعامر الشعبي لحيته قد كدهو - 00:02:03

فاول ما وصل قال ايكما الشعبي فالشعب كان رجلا لطيفا ظريفا قال له هذا. يعني رجل وصل به الحول ان هو مش عارف واحدة

منتقبة لابسة اسود في اسود رجل له لحية ثم يقول ايكما عامل الشعب. اهو ده زي صاحبنا البتاع اليومين دول ده رجل بس في بلاد -

00:02:20

هناك يعني حيث المرأة يعني لها يعني راح يخطب فاول ما دخل عليه قال لها مين فينا الراجل قالت له انا طبعا قال لها سوري مش

هنتفق. تصور ده اول القصيدة. انا اعجبني جدا جوابه - 00:02:53

فعلا لما واحد يسأل يقول مين فينا الراجل تقول له انا. طبعا لانها ايه ؟ ولاد الزواج. يعني آآ بلاد البندر ويعني على المذهب الكفراوي

مش على مذهبنا يعني. وما بين هذا وهذا قرون - 00:03:20

لكن تعددت القرون والحول واحد. ها هؤلاء الناظرون في الكتاب والسنة بهذا الجهل احمق من هؤلاء واقل نظرا. لان النهاردة حتى

نكذب خبرا من الاخبار. العلماء وضعوا ضوابط. ووضعوا شروطا - 00:03:38

مش يدخل اي واحد يقول اي كلام لا اذا لسقطت علوم الدنيا والدين. لو جاز لاي انسان في اي فن من الفنون ويدخل يتكلم على كيفه

في الفن دهو يعني انا مسلا لما اجي على واحد ناس مهندسين بيبنوا برج علي كده حفرين تحت ايه يا جماعة اللي - 00:04:06

تحت اوي كده. قال لك لا ما هو لازم ده اصول. لازم ننزل تحت عشان نطلع فوق. ابداء. ده الارض بتاعتنا زي الحلاوة اهي. دب دب

وادب عليها برجلي. اهو - 00:04:26

هاتوا شاكوش كمان واقعدوا احفروا فيها. هتلاقوها زي الفل اهو. ايه المانع انا تبته من فوق كده برج عشرين ثلاثين دور على وش

الارض. والله انتم عالم بتدوروا على المتاعب - 00:04:36

سيبك منهم. انا لما ادخل اقول الكلام اللي فصل جماعة مهندسين. ايه اللي يحصل لي انا بقى؟ ولا ايه اللي ممكن يعملوه في؟ اقل

حاجة يقول لك الراجل ده مجنون - [00:04:46](#)

خلاص وهذا شيء لا يختلف فيه انسان. اتفق البشر جميعا ان كل اصحاب فن اقعدها به في فنههم من غيرهم فيرجع للفقه في الفقه

وللمحدثين في الحديث وللنحات في النحو وللشعراء في الشعر وللاطباء في الطب - [00:04:56](#)

التجار في التجارة وهلم جرة. لحد ما تستوعب كل الياه؟ العلوم سواء كانت علوما شرعية او علوما دنيوية. خلاص انا النهاردة حتى

اكذب خبرا من الاخبار. واقول الخبر ده باطل. لازم اعمل حاجتين - [00:05:23](#)

الحاجة الاولانية انظر الى سند الرواية الاول الذي نقل هذه الرواية من ناس فضلاء عدول يعرفون ما يقولون ولا ناس كذابين ومغفلين

ومجانين ده اول حاجة. جاوبت على الشريحة دي واتفقنا كده انهم ناس فضلاء وضابطون - [00:05:39](#)

وعدول يبقى كده جاوبنا على الشطر الاولاني. اتفضل الشطر الثاني وهو الكلام المنقول اللي هم نقلوه الكلام ده انا مش بالعه انا

موافق معك. الناس فضلاء وتما تمام وعشرة على عشرة. بس الكلام مش قادر ابلعه. اهو انتم مش عارفين. ان فيه حاجة -

[00:06:11](#)

اسمها صحة السند لا تستلزم صحة المتن. الكلام ده مش انا اللي باقوله ده كلام هم اللي بيقولوه لنا احنا ها ده الكلام ده بيقولوه ان

احنا يعني الجماعة الغجر دول بيقولوا لنا احنا هو انتم مش عارفين او لم يبلغكم يعني ان في حاجة اسمها صحة - [00:06:35](#)

السند لا تستلزم صحة المد. بنقول لهم يا غجر ده احنا اللي عاملين القاعدة دي. ها يعني ما ينفعش ترجعها لي. لان انا اللي حاطط

القاعدة دي وانا اللي عارف ضوابط القاعدة دي. قال القاعدة دي الجماعة اللي هم كذبوا الاحاديث ده من الجماعة - [00:06:55](#)

واللي بيسمي نفسه كاتب اسلامي وبتاع والكلام ده هو يعني انا لو جبت لك مالك عن نفع لابن عمر مسلا المؤمن حلو يحب الحلاوة.

وده حديث موجود بس موضوع يعني. مسلا - [00:07:13](#)

يبقى خلاص مالك عناف ابن عمر خلاص اقبل يعني المؤمن حلو يحب الحلاوة مسلا او الخبر اللي الشيخ الالباني رحمة الله عليه رواه

لي حاليا كما قال لي بلفظه - [00:07:27](#)

اني رجل امام وخطيب. وبعدين كان شغال في ايه؟ في اليختني البصل. انت عارف البصل اللي بالتقلية ده وبتاع والكلام ده. يخني

عليه. جميلة قوي ها البضاعة باظت ها اتكبت يعني - [00:07:41](#)

واخد بالك؟ طب بس يا عم الطريقة بتاعتك فصار هات شيل التلاتة. انت متجوز؟ ان شاء الله. طيب المهم قال له لا عارف ابيع يخني

ولا بتاع ولا الكلام ده راجل تاجر كده قال للامام بتاع القرية - [00:08:01](#)

قال له ما عليك انا هخليهم يلحسوا الحلة بس بعد الجمعة. خطب الجمعة ومش عارف ايه وترغيب وترهيب وجنة ونار ومش عارف

بتاعه في نص الكلام كده والعالم سخنة قال وروينا رويانا ده يعني حاجة معناها ان انت عندك اسناد يعني بس انت عشان طويل اوي

فانت - [00:08:21](#)

انت مش كل شوية تقوله له. رويانا يعني بالاسناد اللي انت عارفه. تمام؟ وطبعا لكل اللي قاعدين بصمجية اللي عارفين اسانيد ولا

عارفين حاجة. رويانا عن رسول الله صلى الله عليه وسلم انه قال من اكل ليخن دخل الجنة. فالراجل موصف بقى الازانات على باب

الجامع ما هو متفقين قبل كده. ها - [00:08:41](#)

طالع العالم ايه خلصوا تمام؟ فانا لو جبت مالك عن نفع عن ابن عمر من اكل اليخنة دخل الجنة. السند ده صحيح يا عم الشيخ اه

صحيح مالك عن نفع عن ابن عمر. لكن مين اللي ورا مالك - [00:09:01](#)

هو مالك عناف طرف الهواء كده وجا لي ولا فيه ناس بعد ما لك رواه عن مالك ها وفي ناس بعد بعد اللي وراء مالك رواه عن اللي بعد

مالك. ونفضل ماشيين كده لحد ما اعرف اوصل لك ازا. فما - [00:09:17](#)

ما تجليش من النص كده وتقوم عطش لي بقى ايه نص البطيخ ها وتقول له شف دي حمرا اخر فل والتانية معفنة. لأ اللي روى ده عن

ما لك يستحيل. انا باقول اهو. يستحيل. تجد الذي تحت مالك فقه - [00:09:34](#)

تلاقيه كداب يا تلاقيه مجهول يا تلاقيه مجروح باي نوع من انواع الجرح. خلاص؟ ازا لما انا اقول صحة السنة تستلزم صحة المال يبقى صحة السند من اول واحد رواه. ما تجيبهوليش من النص. خلاص كده - [00:09:54](#)

فهو بيقول ان فيه اساليب صحيحة ومتون من كرة بقول له ماشي اساليب صحيحة في الزاهر. لكن عند ارباب الحديث الاساتذة الكبار بقى والائمة الجهابذة ما ينطليش عليهم الظاهر اللي انت شايفه ده - [00:10:14](#)

يعرفوا ان في علة من تحت ما يعرفش يجيبها غيرهم. انت ينطلع عليك انت وامسالك. اه. تفتح كتب الرجال تقول ده والثقة والثاني وراه ثقة والثاني واذا بهم ثقات. لكن ائمة الحديث لأ - [00:10:30](#)

خلاص؟ لكن انا هاقول لك السنة التمام التمام. المتن اللي مزعلك ده حاجة من اتنين متعارض مع متن اخر صد رد كدهو او يمكن الجمع بينه وبين المتن الاخر. فقبل ما تقول لي صد رد وتخبطهم في بعض - [00:10:45](#)

نحاول نوفق نشوف الكلام ده يحمل على محمل. والثاني على محمل ثاني ولا لأ احتمال يكون المتن ده حلق والمتن اللي بعده حلقة وبينهم حلقة مفقودة. انا اقدر اجيبها من الطرق الاخرى للحديث. لو انا بلم طرق الحديث هلمها اجيبها - [00:11:11](#)

خلاص؟ يبقى كده ايه؟ يبقى كده جمعت شتات المتن اذا عملت المجهود دهوت واستطعت ان انا اوفق بين هذين المتنين بين اي وجه من وجوه الجمع المعروفة وهي مائة وجه وواحد. ازا ما نفعش الاولاني يبقى الثاني ما نفعش الثاني يبقى الثالث - [00:11:34](#)

ما فيهاش المية يبقى المية وواحد. قولوا لي بقى فيه في الدنيا متنان لا يلتزمان من مائة وجه اهو علماء المسلمين سواء كانوا من المحدثين او الفقهاء وضعوا مائة طريقة للجمع ما - [00:12:00](#)

بين المتنين اللذين ظاهرهما التعاض. اذا المية ما نفعوش انا هاسلم لك بان واحد منهم كذب او خطأ فالمعترض دهوت اللي بيتكلم ده يعرف يجيب لي المية دول يعرف يلهم لي بس فضلا عن ان هو يفهمهم - [00:12:22](#)

فالمسألة المسألة مش بالدرع. المسألة لها قوانين فالنهارده اللي احنا بنعمله ايه بنوفق ما بين المتون التي ظاهرها التعارض. ليه؟ لان الصحة احنا انتهينا منها البخاري ومسلم خلاص ما فيش بعدهم مذهب لحد - [00:12:45](#)

صحيح صحيح بالتلاتة ها على المذهب الثلاثي المعروف. خلاص يبقى باقي المتن اللي احنا شغلنا ايه اللي احنا شغلنا فيه. فهو النهاردة الحديث اللي هو بتاع ابن عمر اللي عبدالله بن عمر كتب الى نافع بيقول له الدعاء قبل القتال. يعني الانذار - [00:13:07](#)

قبل القتال ثلاثة كتب له قال له الكلام ده كان في اول الاسلام. ليه؟ كان الاسلام لم يطوق الجزيرة اناس كثيرين بلغهم ان في رسول بعث لكن ما يعرفوش بعث بايه؟ ولا دينه جاب ايه؟ فليس من العدل ان انا احارب دهوت قبل ما اعرفه - [00:13:30](#)

اعرفه الاول الاسلام وانه يجب عليه ان يؤمن بالله واليوم الآخر ويؤمن بالنبي صلى الله عليه وسلم ويمثل لاوامر الاسلام واعرفه ازيل عنه عرض الجهل. خلاص؟ اذا وصلوا الانذار خلاص - [00:13:48](#)

انا بقى مش هقول له خلي بالك. الساعة اتنين ونص بالليل هكبس عليك. مين اللي يعمل دي في الدنيا وللحرب خادعة دي جاية ليه؟ خلاص هو عارف فانبذ اليهم على سواء قلت له ما لكش عندي على اهل ولا ذمة. زي حديث عمرو بن عبس اللي احنا قلناه الجمعة اللي فاتت - [00:14:05](#)

وهو في سنن ابي داود لما معاوية ابن ابي سفيان كان بينه وبين الروم عهد. يا جماعة نعمل هدنة عهد بنا لمدة سنة هتخلص في ثلاثين زو الحجة خلاص يوم ثلاثين زو الحجة - [00:14:25](#)

قام معاوية بن ابي سفيان رضي الله عنه واخذ الجيش ورايح عشان يغزو الروم. عمرو بن عبسة الصحابي الجليل عرف ان معاوية واخذ الجيش كله ورايح عشان ايه يغزو الروم. ما هي الهدنة خلصت. فجعل يقول بيجري بقى بالفرس بتاعه - [00:14:44](#)

يقول الله اكبر الله اكبر وفاء ولا غدر فمعاوية سامع قال له ايه الموضوع؟ اسأله ايه هو يقصد ايه وعايز ايه فقال سمعت النبي صلى الله عليه وسلم يقول من كان بينه وبين قوم عهد خلاص؟ فلا يشد - [00:15:01](#)

عقدة ولا يحلها حتى ينقضي امدها دي نمرة واحد. او ينبذ اليهم على سواء خلصت المدة الناس ممكن يكونوا غلطانين. سهيائين يقول لك ده الهدنة هتخلص بعد يومين. اما نبعت واحد يجدد الهدنة - [00:15:21](#)

خلاص قد يخطئ في يوم ولا يومين ولا بتاع يبقى هو اذا كان ناسي يبقى ما بقي الا ان تنبذ اليهم على صلاة ابعت له رسول تقول له خلي بالك ان النهاردة اخر يوم. وانا كده ما عادش بيني وبينك هدن - [00:15:45](#)

يقوم يعرف ان هو دخل في ساحة الحرب معي. يبقى انا كده اديته ايه؟ اديته فرصته انه هيجز نفسه. خلاص؟ ادي معنى ايه او ينبذ اليهم على سواء. وده معنى الاية. تمام كده؟ فبنو المصطلق دول النبي صلى الله عليه وسلم غزاهم - [00:16:01](#)

وهم على مياهم. طبعا في بعض الروايات اللي هم احتجوا بها عشان يضرخوا هذا الحديث. اخذوها من مغازي موسى ابن عقبة وانما رأى موسى ابن عقبة هذا عن الزهري معضلا او مرسلًا. الكلام اللي هقوله لده. ان النبي صلى الله عليه وسلم ارسل - [00:16:22](#)

الى بني المصطلق الحارث بن ابي ضرار وعرفهم ان هو ايه سيقا تلهم. والحارس جمع قومه بتاع واصطفوا للقتال وحصل مقتلة والكلام قال لك ده الكلام المعقول لانه لا يجوز لاحد ان يبدأ الحرب قبل الانذار - [00:16:42](#)

تمام؟ انا بقول دلوقتي انا عندي حديث في البخاري اهو. ومسلم ابن عون ورواه عن ابن عون جماعة. عن نافع عن ابن عمر. وتفرد ابن عمر بهذا الحديث ولم يشاركه - [00:16:59](#)

فيه احد ده متفق عليه يعني اعلى درجات الصحة بعد المتواتر يعني في مقابله سند مرسل او معطى. انا لما احب اعمل مقاومة بينهم ومعارضة. مين اللي يكسب طبعا قطعاً السند المتصل اللي هو اتفق عليه البخاري ومسلم - [00:17:16](#)

تمام؟ فالرواية دي رواية لا تصح ان النبي صلى الله عليه وسلم ارسل اليهم وانذرهم الكلام ده. وكانت بني المصطلق في آآ في شعبان سنة خمس من الهجرة وقال ابن اسحاق انها كانت سنة ست من الهجرة والقول ده قول ضعيف. وسر ضعفه ايه؟ شف بقى - [00:17:35](#)

علماء الحديث بيعملوا ايه عشان تعرفوا العلماء الحديث دول لهم منة في اعناق الامة. قال لك سنة ستة ده غلط طب غلط ليه قال لك لان غزوة المريسيع او غزوة بني المصطلق سميت المريسيع الايه؟ لان الماء بئر الماء اللي كان بين المصطلق ببسقون الانعام عليه - [00:17:59](#)

اسم ماء المريسيع. زي بغزوة بدر كده اسمها بدر ليه؟ عشان بئر بدر اجتمعوا عليه وحصل القتال ناحيتها فقال لك ايه قال لك غزوة بدر. جبل احد. قال ايه؟ قال لك عشان الحرب كانت على الجبل والكلام ده. فاسمها غزوة المريسيع ليه؟ عشان مات - [00:18:28](#)

المريسيع اللي كان باب المصطلق ببسكو الانعام من قال لك لما رجع المسلمين من غزوة مريسيع حصل ايه؟ حادثة الافك وهما راجعين من الغزوة وطبعا مع عائشة رضي الله عنها الجمل بتاعها راح تقضي حاجتها جم الجماعة - [00:18:50](#)

ماشيين معه شالوا الهودج كده فزنوا ان هي عائشة فيه لانها لما راحت تقضي حاجتها قاموا كلهم تفرقوا بقى راحوا في حطة كان ربع ساعة كده وهنتجمع ثاني. فهي بعد ما قضت حاجتها وهي ها هتوصل للجمل عشان تركب تحسست صدرها. واذا عقدت - [00:19:12](#)

دلها انفرط مش لاقية العقد اللي كان في صدرها ولانها جارية حديثة السن ما لهاش تجربة قامت واخدة بعضها لو راجعة ثاني للمكان الذي قضت فيه حاجات عشان تدور على الايه؟ تدور على العقد. طب هي لو لها تجربة كانت عملت ايه؟ كانت راحت للجمل - [00:19:32](#)

وقالت للرجالة دوروا لي على العقد مش كده؟ لكن لانها جارية حديثة السن اتصرفت من ايه؟ من دماغها. قامت راجعة ثاني لايه؟ تدور على العض فين وفين؟ غابت لها نص - [00:19:52](#)

نص ساعة مسلا. الجماعة كانوا متفقين بعد ربع ساعة يبجوا. فطبعا قاموا جايبين على طول شاليلين الهودج حاطينه على الايه؟ على الجمل. وما انكر خفة الهودج ليه؟ لان عائشة رضي الله عنها كانت صغيرة السن. وكانت يعني مش تخينة - [00:20:06](#)

مدينة كما قالت لم يثقلهن اللحم. فلم يستنكروا خفة الهودة. اربع رجالة ببشيلوا هودك خلاص يبقى ما فيش حد هيحس بتقل الهودة حتى لو تقيل. تمام؟ حطوا الهودج مشيوا فضلوا ماشيين ماشيين هي رضي الله عنها لاءت العقد - [00:20:22](#)

جت ما لقتش الجمل خلاص كده قامت قاعدة مكانها. صفوان ابن المعاطي للسلمي راجع بقى من الغزو الجماعة مشيوا كلهم وصفوان ده كان ايه رضي الله عنه كان بيتأخر على طول. كان بيتأخر لحاجتين. الحاجة الاولانية كما في طبقات ابن سعد - [00:20:39](#)

يعني ان هو كان ايه بعد ما الجيش يمشي يعمل ايه جرد للمكان انت عارف الجيش بقى لما يمشي واحد ينسى حاجة تقع منه بتاعة
يقع منه محفظة يقع منه مغرفة يقع منه حلة بتاعة كان يلم كل الكلام - [00:20:57](#)

ويدخل على الجيش مين اللي ضايع له كزا مين اللي وقع له كزا وعرف الايه الحاجات دي ويديها لاصحابها. او انه كان لؤوما لما كان
بينام ما كنش حابب يعرف يصحيه بيصحى ايه؟ لوحده. تمام؟ فصحي كانوا هم مشوا على ما فاه وبتاع وصحي وبتاع كان ايه؟ كان
اتاخر - [00:21:12](#)

اول ما جاء وجد عائشة خلاص قالت فلما رأيته ارخيت علي حجابي وكان يراني قبل الحجاب. يبقى الحجاب ايه؟ كان مفروضة دي
نمرة واحد. نمرة اتنين لما النبي صلى الله عليه وسلم رجع للمدينة بقى والجماعة خاضوا في حديس الافك وبتاع وصعد المنبر وقال
من يعذرني من رجل بلغ - [00:21:30](#)

بني اداه في اهلي والله ما اعلم عن اهلي الا خير فقام سعد بن معاذ وقال يا رسول الله ان كان من الاوس ضربت عنقه. وان كان من
اخواننا من الخزرج امرتنا ففعلنا ذلك. ما رضاش - [00:21:57](#)

قل امرتني فضربت عنقه ليه؟ لان كان فيه بين الاوس والخزرج مشاكل في الجاهلية. والخزرج كان لها سيد وهو سعد ابن عبادة.
والاوس كان سيدنا سعد ابن معاذ فهو لو قال واذا كان من الخزرج امرتني فضربت عنقه يعتبر تعدي على مين؟ يعتبر تعدي على سد
ابن عبادة وهم - [00:22:14](#)

الاسلام كان هذبه وكان رباه. خلاص؟ فما يتعداش فطبعاً سعد ابن عبادة لما سمع سعد ابن معاذ يقول الكلام ده قال له والله لا تقدر
ولا تستطيع. خلاص؟ قام اسيد ابن حضير ابن عم سعد ابن معاذ قال له انك - [00:22:34](#)

منافق تجادل عن المنافقين. حتى هم الحيان جميعاً ان هم يتقاتلوا بالسلاح. في المسجد. والنبي صلى الله عليه وسلم واقف على
المنبر ايه؟ يخفضهم قعدهم كده ويقولوا لحد ما سكتوا خالص. سعد بن معاذ - [00:22:49](#)

مات امتي؟ مش بعد ما حكم في بني قريظة؟ ها؟ وبني قريظة دي كانت بعد الخندق والخندق كانت في شوال سنة خمس. يعني سعد
بن معاذ مات سنة ايه سنة خمسة يبقى ينفع اقول المريسية كانت سنة ستة - [00:23:05](#)

ما ينفعش لان كان سعد بن معاذ مات. فازاي بقى سعد بن معاذ هيقف لسعد ابن معاذ؟ يقول له ومش عارف ايه ويتراشقوا مع بعض
ادي المحدثين وادي جهد المحدثين - [00:23:27](#)

حتى دي ما تعديش وفي ناس قالوا سنة اربع وغلطوها وقال لك سنة ثلاثة وغلطوها. واي تغليط للمحدثين في تاريخ من التواريخ
يقيمون عليه البرهان ما هيش مسألة كده داخل بحماره زي ما بيقولوا. ها فبنوا المصطلق دول كانوا قوما بلغتهم الدعوة سنة خمسة
يعني - [00:23:40](#)

يعني يعني كانت بعد بدر وكانت بعد احد وكانت بعد ذات الرقاع والسويق يعني كانت سبقتها غزوات وسرايا قد كده وكان بني مطلق
قوم من العرب بطن من بطون العرب. وعائشين في الجزيرة - [00:24:02](#)

خلاص كمان. فيعني بلغهم امر النبي صلى الله عليه وسلم. وعارفينه من اوله لاخره. يبقى ده بلاغتهم الدعوة ولا لأ؟ يبقى لا الانذار ما
لوش اي معنى هنا. الكلام ده اما انت تسبت لي ان بين المصطلق لم تبلغهم الدعوة اصلاً. تيجي تقول لي ازاي تاخذهم على غفلة -

[00:24:20](#)

لأ انت لازم كنت الاول تعلمهم الاول وتوصل لهم الدين الاول والكلام ده والبتاع. والكلام ده برضو احنا بناخده بحذافيره ونخاطب به
الجماعة الذين لا يعذرون بالجهل الجماعة بتوع التكفير ولا توقف التباين ولا الكلام ده - [00:24:39](#)

وكان جاي من كم يوم واحد جاي يناقشني. من حوالي عشر تيام كده. وطبعاً قبل العشر تيام ده ساب لي رسالة كده يعني عصماء
وانت راجل عمال تتكلموا لي في الاخلاق وسايبين لنا التوحيد. واللي مش توحيد واللي مش عارف ايه والكلام ده. الراجل ما

بيحضرلناش ولا يعرف احنا بنقوله فين. ده احنا حياتنا كلها - [00:24:53](#)

حتى الفروع الفقهية بنردها للتوحيد برضو تمام. وسايبين الجهل والعز بالجهل ومش عارف ايه والجهل وبتاع ولقد انزرتك وقد

بلغتك. الله! يعني انا بقى كفرت بقى طالما انه بلغني واقام علي الحجة والكلام. وطبعا بعث لي كتاب على اساس ان انا ايه يعني الكتاب ده مش هيكون عنده والكتاب ده كتاب خايب جدا جدا اسمه العذر بالجهل. تحت المجهر الشرعي - [00:25:13](#)

الواحد يعني محتاج انه يتعلم الف به. ثاني. وخط لي الكتاب. المهم نزلت لقيته فقال لي والله انا عايز بقى يعني اناقشك في القضية انا كنت بعث لك كتاب كذا وكذا قلت له هو انت اهلا يا اخويا تعال يا حبيبي. ايه يا وزير الموضوع بقى اللي انت - [00:25:37](#)

هل العذر بالجال ومش قال وبتاع والكلام ده ؟ قلت له طيب خيلنا نتفق الاول لو ان رجلا كذب رسول الله صلى الله عليه وسلم في ديار الاسلام حكم ايه - [00:25:54](#)

قال لي كافر. تمام؟ طيب. لو ان رجلا يصلي اماما في المحراب. وهو يقرأ دخل سورة في سورة عامدا يبقى ايه اللي يبقى كافر قلت له وجاهلا يبقى ايه وقف - [00:26:13](#)

لان ما فيش حد ابدأ كافر امام من ائمة المسلمين دخل صورتين في بعض. وهذا لو فعلها عامدا لكفر خلاص كده ؟ يبقى هذا الرجل لما فعلها ساهيا او مخطئا - [00:26:44](#)

عزرنه قلت له خزامى ابن ثابت الانصاري لما في الحديث بتاعه لما النبي صلى الله عليه وسلم اشترى البعير من الاعراب وقال له خلاص يا عرابي اتفقنا على تمن البعير؟ قال له ايوه. جه واحد من المسلمين ثاني عجبته البعير وما يعرفش النبي صلى الله عليه وسلم اشترى. قال له يا اعرابي ادعني البعير ده - [00:27:05](#)

قال له بكام ؟ النبي صلى الله عليه وسلم مسلا فرض البعير مسلا عشرين درهما. قال له ميت درهم. قال له ماشي اتفقنا النبي عليه الصلاة والسلام عرف ان الاعرابي باع الجمل. الله - [00:27:25](#)

فندم قال له يا اعرابي الم تبغني الجمل ؟ قال له ما حصلش هو انا بعث لك حاجة. قال لي يا اعرابي انت بعثني الجمل. قال ما بعثك شيئا. هلم شهيد يشهد انني بعثك. هات واحد - [00:27:40](#)

فضلك انا ما حصلش اللي يقول الكلمة دي مجردة كده عامدا عارفا يبقى ايه؟ يبقى كافر. تمام؟ طب النبي النبي عليه الصلاة والسلام عمل ايه في الراجل؟ الاعرابي كفره؟ ما كفروش. انت عارف يقول لي ايه؟ يقول لي طالما ما كفروش يبقى - [00:27:54](#)

الكلام بتاعه مش كفر بنعجن في البتاع كده. قلت له يا اخي في نهاية الكلام. قلت له يعني بدل ما عملية تكفروا الخلق علموهم الاول علموا الاول وبعدين كفرو براحتك بعد كده. بس علمه. انت فاكر ان احنا في المدينة النبوية وفي ايام الصحابة - [00:28:18](#)

انا باقول لك اهو. انت انت لو رجلا منصفا. لو قلت لك سم لي في مصر كلها عشرة. انت نفسك تعتقد انهم علماء مش هتعرف تسميهم وطبعا مصر فيها الحمد لله اكثر من كده. لكن هو ما يعرفش يسميهم - [00:28:42](#)

فناس راجل كبير خالص ومشهور خالص ويعمل الدرس بتاعه جنب قبر الحسين. رضي الله عن الحسين. درس التفسير بتاعه. جوة والعوام ما يعرفوش اي حاجة. ويقول لك ده راجل عالم ولو كان غلطا ما فعله ولو كان مش عارف ايه ما عمله والكلام ده. وهم فعلا - [00:28:58](#)

يريدون الله ورسوله لكن زنوا ان هو ده العالم وهو البتاع ولا يمكن يعمل حاجة غلط. فتابعوه الناس دول كيف يكفرون؟ يعني قلت له يعني ابوك كافر؟ انا عايز افهم يعني. ابوك يعني انت بتكفر ابوك - [00:29:18](#)

وكفروا مكة سبحان الله! ده يعني ليس عندهم رحمة. اهل السنة يتميزون برحمة الخلق. انا بدل ما اكفره واشغل نفسي بتكفير طوب الارض. اعرف ان الناس عايشة في بيئة جاهلة. وان فيه الف واحد ضلالي وبالواحد من اهل السنة. وصوت - [00:29:33](#)

الضالية هو اللي مالي الانترنت ومال الفضائيات ومال الازاعات ومال الجراد والمجلات. وصوت اهل الحق هو اللي ضعيف وخافت وما بيوصلش لاغلب الناس ففي وسط المدلهمة الخطيرة دي والعظيمة دي اقعد اكفر؟ لأ الاسلام اهو يقول لك لأ انا في مسلا باب القتال لا - [00:29:54](#)

ما بلغوش الدعوة ولا عنده فكرة عن حاجة اعلمه. واقول له ان فيه اسلام وفيه كذا وقد اوجب الله عليك الايمان به. والا تشرك به شيئا واوجب عليك الايمان برسوله صلى الله عليه وسلم وانه جاء باوامر ونواهي ويلزمك منها كذا وكذا ودي اركان ودي واجبات ودي

مستحبات والكلام ده وعرفه. اذا قال انا بلغني - 00:30:14

يعني ايه ؟ قولك وانا كده عرفت انت عايز ايه وانا حرييقى واحدة من ثلاثة زي حديث بريدة اللي احنا قلناه قبل كده يا يسلم يا

يفضل على دين ويدفع الجزية يحاربه - 00:30:34

ما فيش الا واحدة من الثلاثة دول فهو اللي هو عايزه انا هعمله له خلاص بس هيظل على دينه خلاص يبقى ادفع الجزية في عندنا

احكام متعلقة بالمسألة دي. فيبقى النبي عليه الصلاة والسلام لما هاجم بني المصطلق - 00:30:53

هم غارون. ليه ؟ لان الدعوة بلغته. ناس عايشين في دقيقة العرب والدنيا نار مولعة من يوم ما بعث النبي صلى الله عليه وسلم.

وحروب طاحنة ما بين المسلمين المسلمين وبيئة الكافرين. ازاى بقى ابلغهم بقى ؟ لا يبقى في الحالة دي ايه ؟ الحرب خدعة. ان انا ايه

اهجم على عليهم وهم غرون في ابله - 00:31:07

هذا ما فعله رسول الله صلى الله عليه وسلم المتن ده في حاجة من كرة يعني ؟ عشان يقول لك ده غدر والنبي صلى الله عليه وسلم لا

يغدر اذا فالحديث موضوع - 00:31:27

والواقعة لا تصح حتى لو كانت في البخاري ومسلم. الحاجة اللي احتجوا بها كمان واقعة قتل ابي رافع اللي هو عبدالله بن ابي الحقيق

او سلام بن ابي الحقيق. والواقعة دي في صحيح البخاري - 00:31:37

من حديث البراء ابن عازب ان النبي صلى الله عليه وسلم انتدب لابي رافع هذا عبدالله بن عتيق وجماعة من الانصار زي عباد ابن بشر

وابو عبس ابن جبر وجماعة من المسلمين - 00:31:51

ابو رافع ده كان راجل غني اوي. وكان بيستعين بالمال بتاعه على ايداء النبي صلى الله عليه وسلم وعلى ايداء المسلمين فالنبي عليه

الصلاة والسلام قال لهم ايه خلصوني منه. فطلع عبدالله بن عتيق والجماعة وصلوا للقلعة بتاعته - 00:32:09

وكانت في اطراف الحجاز وعنده بقى ايه جماعة سهرانيين وبتاع من الجماعة الاكابر فعبدالله بن عتيق قال لهم انتم ايه خليككم بعيد

كده وانا احاول ان انا ايه ها ادخل كده بالراحة كده لحد ما اوصل - 00:32:26

والطف البواب الطف البواب كده عشان ادخل جوة تمام ؟ وكما يقال اذا اراد الله شيئا هيا اسبابه. ايه الجماعة اللي كانوا سهرانيين ؟

اتعشوا وخارجين خلاص فخرج حمار من الزربية تمام - 00:32:38

طلعوا يدوروا على الحمار. فهو طبعا معروف. فخشي ان يعرف. فلما لقوا الحمار قام ايه حاطط العباية بتاعته على راسه كده ومغطي

رجله ليه وقال وجلست كائني اريق الماء. كانه بيتبول. فالراجل البواب - 00:32:58

عارف ان الجماعة بيدوروا على الحمار. فاكيد واحد راح يمين وواحد راح شمال. فصرخ اللي هيدخل هيدخل انا هقفل الباب. قام

داخل دوغري تمام ؟ وقام داخل في مربوط الحمار وقاعد - 00:33:17

وبص للبواب هيحط المفاتيح فين الحائط مفتوح فيه كده في ايه في طاقة كده استنى بقى شوية لما الدنيا هديت خالص. والبواب

نام وقام قايع على المفاتيح. اول حاجة عملها قام قافل على البواب. من برة - 00:33:32

تمام ؟ وبعدين ام داخل الايه القلعة فاذا هي مظلمة مش عارف يروح فين ايه اللي عمله ؟ قعد يجرب في المفاتيح ويقفل الابواب عليها

ومش عارف تجاهه. فقام منادي عليه. يا ابا رافع قال له من المنادي ؟ فعرف الصوت فين - 00:33:52

قام رايع له ومعه السيف. اول ما وصل له قام ضاربه ضربة كده طلعت كده في الايه ؟ في الهوا. يدوبك ايه طيرت الطيارة بتاعته ولا

حاجة. ليه ؟ لان ابا لان عبدالله بن عتيق قال فضربته وانا دهش. دهش يعني بيرتعش. عنده دهشة كده - 00:34:13

وربهة من فصرخ ابو رافع قال فغيرت صوتي وناديت كائني اغيثة. ما لك يا ابا رافع ؟ قال الويل لامك. ضربني رجل قام مدي له ليه ؟

مدي له الضربة الثانية برضه. قال ما اغنت. برضو يعني ايه شف بيضربه مرتين ومش عارف يجيبها - 00:34:33

التعتيق ده يعني بطل مغوار. لكن احيانا الانسان ايه ممكن تخونه يعني يده. المهم فضل وماشى وراه او هي لحد وحط بقى السيف

هنا في الحطة دي وقام كابس على السيف قال حتى سمعت صوت العظم. خلاص - 00:35:05

قام شادد السيف بتاعه ويقعد يفتح الابواب. وطبعا كانت الدنيا ايه قمراء وطبعا دي قلعة. قلعة يعني ايه ؟ يعني بتبقى فوق على ربوة

كده وفيه سالام وبتاع. المهم ما خدش باله من البتاع رجله فلتت على السلم. وقع قامت مكسورة نصين - [00:35:31](#)

خلاص؟ هو طبعا قافل على البواب. وده راجل رجله مكسورة. انت عارف عمل فيها ايه اللسة اللي هو لابساها مرابطها رابطها. ومط السور. واخذ بالك؟ زمايله طبعا والصحاباوي مستنيين قال لهم بشروا رسول الله صلى الله عليه وسلم. روحوا قولوا له انه ان الله قتل ابا رافع. قالوا له تعال. قال لهم لا. انا لن ابرح - [00:35:49](#)

مكاني حتى اسمع صوت الناعي الجماعة اللي بيقلوا ايه توفي مش عارف ايه وبتاع والكلام ده. ها فيقول لك فلما اذن الديك وقف الناعي على السور وقال انعي ابا رافع تاجر اهل الحجاز. قال فانطلق - [00:36:21](#)

الى رسول الله صلى الله عليه وسلم ما بي قلبه. انا مستغرب جري ازاي برجل واحدة لان هو رابط رجله اللي اتقطعت دي ربطة كده ما لي قلب كانه يعني سليم سام. ولما راح للنبي صلى الله عليه وسلم بس ملس كده على رجله رجعت. ردت له - [00:36:45](#)

وكانت اصح قدميه يقول لك ده قتل غدرا الجواب زي الجواب عن قصة كعب ابن الاشرف. لو واحد بيشتتم النبي عليه الصلاة والسلام ومسخر المال بتاعه كله لا يذاء النبي صلى الله عليه وسلم. ولا يذاء المسلمين - [00:37:09](#)

ورجل على غير ملة الاسلام يعني المفروض يبقى بينا وبينهم عهد. نقض العهد يبقى خلاص ما لوش لا عهد ولا ميساق. يبقى ما بقى الا المباغته. خلاص ليس له عندي فانبذ اليهم على سواء نبذنا - [00:37:28](#)

اليهم على سواء وعارف ان في عداوة بينا وبين بعض خلاص يبقى انا كده برئت من الخيانة. فاين رائحة الغدر هنا ادي يا اخوانا الاحاديث اللي هم رصينها ويقول لك دي غدر والنبي صلى الله عليه وسلم لا يقدر تبقى الاحاديث موضوعة - [00:37:45](#)

نعم لا يغدر النبي صلى الله عليه وسلم والاحاديث صحيحة رغم انوفه عشان كده انا برضو باجي بالمناسبة دي واقعد اتكلم واتكلم في الحوار اللي انا لا امل منه. شبابنا يدرسوا كويس. عشان يردوا - [00:38:03](#)

على الجماعة دول. الجماعة دول لو تعرفوا بينشروا كتب قد ايه؟ شعر راسك يقف. انا ما بتابعش الكلام ده. اخوانا في المحاضرات في الدروس بيحبوا لي الكتب دي. عندي مكتبة ضخمة من من هذا الزخم. ولو انك انت تابعت ما يكتب ضد الاسلام ونقض -

[00:38:19](#)

وللسنة والكلام ده والله يشيب شعرك. طب النهاردة هذا الزخم كله فين المقابل من الردود من ردود اهل السنة ما تقوليش العلم في الكتب وروحي راجع فتح الباري. لان الجمهور بتاعنا النهاردة ما يعرفوش حاجة عن فتح الباب. فمطلوب تلخيص ما في فتح الباري

للجماهير بتوعنا - [00:38:39](#)

والا التصنيف ايه فايدته؟ ما انا كان ممكن اقول لك ما هو البخاري الف في الصحيح بتاعه اياميه وخلصنا. طيب الجماعة اللي كان البخاري اكتبوا له الكتاب مات ومعه. واحنا بقى يبقى كل جيل ينقل العلم السالف الى الجيل الذي بعده. الجيل الذي - [00:38:57](#)

ما هو الجيل الذي بعده؟ وهي دي فايده العلماء. ان هم ينقلوا الكلام. ما فيش حاجة جديدة احنا بنقولها. لكن الكلام اللي الناس ما تعرفوش احنا بنقرأه فلتروا كده يعني بما يناسب يعني فهم اهل العصر والكلام ده ونقدم له بمقدماته عشان الناس تعرف والا ما جئنا

بشيء جديد - [00:39:17](#)

لم يكن عند اسلافنا الاولين اخيرا طبعا يوم الاثنين الجاي شم النسيم يقال يعني انا ما اعرفش انا لسة بتأكد من واحد من اخوانا فيقول لي نعم. اهو كذلك يعني الاثنين الجاي ولا اللي بعده؟ ماشي الحال. خلاص يبقى قبل الهنا بسنة. اهو شم النسيم انتم طبعا

عارفين الحكم الشرعي في - [00:39:37](#)

هذا العيد وانه لا يحل شف كلام اهو ارجو اصل انا مفقوع ومرارتي على الآخر. من مين بقى؟ من الملتحين والمنتقبات. ماشي الناس اللي هم يعني في الهواء دول او مسلا ما بيحضرولناش ما بيعملولناش مسلا بتاع اه ممكن يكون ما يعرفش حاجة. لكن انا بخاطب

بقى المجتمع بتاعنا احنا. المجتمع اللي هو - [00:40:01](#)

احنا بنوجه له الكلام ابتداء. يعني كلامنا مش حكر عليه يعني لأ كلامنا المسلمين جميعا. بس دول اللي بيحضرولنا بصفة مستمرة اهو يجي شم النسيم باعمل جولة كده باطلع - [00:40:28](#)

اروح عند حديقة صنعاء عندنا هنا في القبر عشان اشوف الايه القصة دي. اقوم الاقي يا اخويا منتقبات شايبيني ساحبين عيالهم
وملتحين ماشيين دي بقى بتتفسر بايه دي؟ هذا ليس من اعياد المسلمين دي اعياد اهل الكفر - [00:40:42](#)
لا يحل لمسلم يؤمن بالله واليوم الآخر ان ان يكفر السواد في عيد المشركين اللي مال الحقائق هم المسلمين وهذا لا يجوز ونقل ابن
تيمية اتفاق العلماء او اكثر جمهور اهل العلم على تحريم ما يقوم بيع ما يقوم به عيده - [00:41:00](#)
ما تبيع رنجة ولا تبيع فسيخ ولا تبيع بيض ولد بيعلمون ولا اي حاجة يقوم به هذا العيد. ومن فعل ذلك فكسبه حرام وهو اثم الكلام ده
مش كلامي الكلام ده كلام اهل العلم. ومن اكثر الناس تشديدا في هذا الحنفية. يبقى انا ارجو - [00:41:27](#)
ان ان المسلمين يستجيبون لهذه الدعوة. ما تاكلش يوم اتنين خالف المشركين وصم في يوم الاتنين ده مش عايز تصوم لا تطعم
مطعوما مما يطعم به في هذا اليوم وطبعا يا اخوانا انا اتلو على مسامعكم - [00:41:54](#)
قول الله عز وجل يا ايها الذين امنوا استجبوا لله وللرسول اذا دعاكم لما يحييكم احنا محتاجين هذه الحياة. الحياة اللي هي من
الوحي قرآنا وسنة. احنا النهاردة الامة مروا بازمة خطيرة - [00:42:18](#)
ادي السلطة الفلسطينية امريكا اللي بتقول لك ليل نهار اي شعب يختار اي حكومة احنا معه. فلما الجماعة الفلسطينية اخوانا
اختاروا حماس قطعوا عنهم المعونات. النهاردة امبارح امبارح الموزفين الفلسطينيين عاملين اضراب - [00:42:40](#)
آآ المنظمة المكاتب الرئاسة الحكومة في رام الله لان الحكومة ليس عندها اموال لدفع الموظفين يعني الحكومة الفلسطينية الان
مفلسة ليس عندها رواتب الموظفين خلاص؟ دول عربية اللي هم قالوا هنعوض حماس نعوض الحكومة الفلسطينية الخسارة والكلام
ده بقى له - [00:43:00](#)
اكثر من شهرين ها لحد النهاردة ما دفعوش حاجة الدول العربية. والا ايه معنى ان الحكومة ليس عندها في الخزانة رواتب للموظفين.
ده يدل على ان ما عندهاش فلوس. فكان المفترض - [00:43:30](#)
بعد ما امريكا قطعت خمسين مليون كحكوح والاتحاد الاوروبي برضه قطع الكلام دهوت وروسيا والكلام ده تمالوا على قطع
المعونات. يبقى معروف ان ما فيش رافض الحكومة دي كان المفروض الحكومة الخزانة تمتلى فورا. عشان ما يحصلش هذا الانكشاف
انكشاف الظاهر اللي حصل للفلسطينيين - [00:43:45](#)
على الجانب التالي قصة الايه؟ قصة بقى الازمة النووية الايرانية. وعمالين يايه؟ عمالين برضو يتداولوه الكلام ده. لكن لعلكم تذكرون
قبل ذلك. يعني النهاردة الرئيس الايراني لما تخن دماغه وقال لك انا اعلنها اننا انضمامنا الى النادي النووي - [00:44:03](#)
وانني خصبت رؤيا بنسبة ثلاثة ومش عارف وكم من عشرة. والحدوتة دي. امريكا عملت ايه ولا عملت حاجة مش كانت قبل يعني في
البداية كده عمالة تلوح بالحرب وبتاع ومجلس الامن وهات يا جدع ورح يا جدع. ايه اللي حصل دلوقتي - [00:44:23](#)
قال لك هنبعت البرادعي والبرادعي هيرجع لنا بالبردة. ها ها اه طبعا البراجة طبعا راجعة بالبردة لان الحمار وهناك ها اللي هو الذي
ينتفع به. هناك مش هيعملوا حاجة. ودلوقتي الصين وروسيا لان لهم مصالح اكيدة مع ايران من نجا - [00:44:45](#)
النفط من جهة الغاز والكلام دهوت القصة كلها قصة مصالح. ها؟ قصة مصالح. فهم قال لك الخيار العسكري لأ. وآآ الخيار اللي مش
عارف ايه اه خلاص لسة الخيار بالسلم ماشي لحد النهاردة. ويقول لك آآ طبعا هو زكي لعبها كويس. ليه؟ يران - [00:45:05](#)
شيعة وطبعا مين اللي ماسك العراق دلوقتي الشيعة هتنضرب ايران سيهيج الشيعة طبعا الحرب الضروس قائمة على مين في
العراق؟ على السنة حصد يحصدونه. الشيعة بيحصدوهم والامريكان بيحصدوهم والبسالة والبطولة والكلام ده اهل السنة اللي
عاملينها في العراق - [00:45:25](#)
تمام؟ ما يقدرش والوضع متردد القصة مش قصة الفين وخمسمية قتيل لحد دلوقتي امريكا يضرب في عشرة يضرب في عشرين ها
اضرب في ده يعني اللي هم دلوقتي بيقولوا خسائر الامريكان حتى الان في العراق تساوي خسائر الامريكان في فيتنام لمدة عشر
سنين - [00:45:50](#)
العراقي ده مغوار دماغه زي الحديد. عنده شهوة الانتقام هو دخل في حارة سد. فهو النهاردة مش قادر يخلص من السنة هيقرب

الشيعة ليه ؟ ما يقدرش. الحاجة الثانية ان ما يقدرش يكرر القصة اللي حصلت مع العراق سنة واحد وثمانين - [00:46:10](#) لما اسرائيل ضربت المفاعل النووي العراقي وهو كان لسة تحت الانشاء. لأ ده المفاعلات النووية الايرانية دي بتبنى من ايام في الشاه شاه ايران. واللي كان بيساعد الشاة على بناء المفاعليات النووية. امريكا نفسها. واسرائيل نفسها. ليه؟ لان كان - [00:46:37](#) هو شرطي المنطقة. وكانت امريكا متكأة عليه اتكال كاملا في تأديب المنطقة والتلويح بتأديبها. والا النهاردة الخليج كله مرعوب يقول لك النهاردة ايران ومعها سلاح نووي هنعمل ايه مع الايرانيين - [00:46:57](#)

ده الخليج كله على بعضه لو نفخه يطير. مش هيودي له صاروخ ولا بتاع. تمام؟ فالمفاعلات النووية كثيرة في ايران. مش مفاعل واحد ده مفاعلات كثيرة جدا. وبعدين عمقها تحت الارض لا يستطيع اي صاروخ يوصل لها. بانينها بناء محكما. هم عارفين - [00:47:12](#) ممكن يتعرضوا يتعرضوا لضربة عسكرية. وزعوا القصة بتاعتهم على مفاعلات كثيرة. لو اتضرب مفاعل ولا اتنين مش هيوثر على البنية النووية الايرانية تمام كده ؟ يبقى خلاص العملية برضه ايه ؟ تسعى الخرق على الراقي عند الامريكان. بس الامريكان لو ضربوا ضربة لن تكون ناجعة ولن تؤثر على مقدرة - [00:47:32](#)

ايران النووية. بس هتكون شعالة المنطقة. ايه اللي يحصل في مخ احمد نجاد بقى ؟ انه عادي صاروخ صاروخ كده باليست اللي هو آ من حوالي خمستاشر يوم اهي المنارة دي في في الخليج. ها رد على الامريكان. عمل مناورات بحرية واطلق صاروخ جديد. مداه مش عارف الف وستمية كيلو - [00:47:52](#)

لما يحط في الصاروخ ده بس يعني رأس ده ولا حاجة ويبعت لاسرائيل صاروخين ثلاثة اربعة يبقى خربت الدنيا خلاص ما هي المسألة بقى ما احنا مش عارفين علي وعلى اعدائي. الصاروخ يروح يمين ويروح شمال ياكل اللي يقابله في طريقه وخلاص. انا راجل بانتحر. فهم القصة دي كلها - [00:48:13](#)

هم عارفينها كويس جدا ودارسينها كويس اوي اوي. فالمسلمون هم الذين يقاتلون في كل مكان على اختلاف عقائدهم الكفر كله تمالى على المسلمين. فالنهارده احنا اللي يهمننا وده اللي انا بدندن عليه. المصادر الاصلية بتاعتنا. المصادر الاصلية كتاب الله عز وجل - [00:48:30](#)

وسنة نبيه صلى الله عليه وسلم. القرآن الحمد لله محفوظ نصه ولفظه بيلعبوا في التفسير خلاص ؟ السنة بيلعبوا فيها اما يقول لك الرواة دول كدابين يا اما يقول لك المتن دا مخالف لمش عارف مين وما فيش حد لا بيرى حد يعني. اللي - [00:48:49](#) القصة ويعرف ان ما فيش لا تعارض ولا الكلام ده. قلة قليل. يبقى لابد يكون في كتائب من طلبة العلم واهل العلم ينطلقوا في كل مكان يدافعون عن هذه المصادر الاصلية. والا انا باعتقد اعتقادا راسخا اذا سقط البخاري فقد سقط المسلمون - [00:49:07](#) قصة مش قصة ارض او البخاري سقط ما عدش في ايدك حاجة. يبقى خلاص بقى مسلم هيسقط والسنة الاربعة ده فضلا بقى عن المسانيد والمعاجم والكلام ده ارمها بقى في البحر. يبقى لن يبقى في يد المسلمين شيء يرجعون اليه عند التنازع. او عند معرفة او عند ارادة معرفة - [00:49:26](#)

بحكم الله تبارك وتعالى. اقول قولي هذا واستغفر الله العظيم لي ولكم. وصلى الله وسلم وبارك على نبينا محمد. والحمد لله رب العالمين - [00:49:46](#)